

關於XXX，我想說的是

文：強仔
排：oi

入咗嶺南短短一年，我發現咗一啲可能係嶺南先會發生嘅奇怪搞笑現象，而係呢一刻好想同大家分享下我用一個比較無聊嘅角度所觀察嘅嶺南。

我諗大家都一定會經過sek天橋過去富泰嘅經驗，作為一個當左庄員間房係common、成日無啦啦走上去同埋去搵佢食飯嘅好庄員，小編就成日都要經過呢個要拍卡先會過到嘅自動門。但正所謂人皆有惰性，每次都要喺個銀包到搵張student ID card出嚟對於小編嚟講都係一個好艱辛嘅任務。每次要過呢道自動門嘅時候，小編都總係會放慢自己嘅腳步（無論小編遲咗幾多都好），希望前方、後方或者門對面嘅同學會大發慈悲、睇自己嘅銀包入面攞張學生證出嚟，為小編打開呢道最難越過嘅障礙。

曾經，小編以為成個嶺南都應該唔會有好似自己一樣咁懶嘅人，連學生證都會懶得攞出嚟拍，點知有一次終於比我知道原來我從來不是孤單一個。事緣係小編同友人上完堂諗住去富泰搭k51出去食飯，友人唔記得咗帶學生證。正當小編諗住獻出自己嘅第一次，終於要將我張學生證同拍卡機有親密接觸嘅時候，眼利嘅小編見到對面有幾位應該啱啱享受完一餐豐盛午餐嘅同學行緊過嚟，小編呢個時候即刻叫同行友人一齊放慢腳步，希望對面嘅幾位朋友可以幫我地打開方便之門。睇小編繼續同友人慢慢接近道門嘅時候，突然發覺原來對面嘅幾位朋友都同我地做緊一樣嘅嘢。作為尋找到同類嘅小編，同對面幾位朋友默默對視咗幾秒，繼而放聲大笑，但嘅笑嘅途中，依然係有一個人願意係自己個銀包到攞張卡出嚟。好彩過咗有耐有位應該比耶穌更愛世人、願意犧牲自己（張學生証）嘅聖人，睇拍卡器上面用學生證輕輕拍咗一下，發出一聲十分清脆俐落嘅「嘟」一聲，阻隔小編同富泰嘅大門終於被打開。於是小編就踏著輕快嘅腳步，同各位同類擦肩而過，雖然我地之間並冇講過嘢同交流過，但小編心裏知道喺呢一刻，大家嘅心意是相通嘅！在此特別鳴謝嗰位為我地獻出咗自己學生證嘅聖人，雖然我連佢個樣都已經唔記得咗……

#拍卡

無論你係學霸定學渣，都一定有去library印嘢嘅機會：professor嘅lecture notes, present嘅powerpoint, reading materials等等。同其他U一樣，嶺南嘅學生都有大量嘅嘢要print；但同其他U唔同，嶺南係可以話有quota嘅。每個嶺南學生都會有10蚊嘅printing quota，但呢10蚊大概只係印到33.3333張。為咗比較一下嶺南個10蚊有幾少，小編就問咗自己身邊其他U嘅朋友到底佢地嘅printing quota有幾多：由最少嘅30蚊去到最多嘅150蚊都有，而最少嘅嗰位朋友都可以印到大概一百張到。見到自己個33.3333張，感覺到冇種淡淡嘅哀傷，到底我地為咗print嘢要用多多錢。小編同朋友有次要趕住印powerpoint出嚟present要比咁多個一齊上tutorial嘅朋友，得返三個字就要present嘅我地就衝去拉把印，點知真係咁啱我地兩個八達通都冇晒錢。趕時間嘅我地唯有用盡10蚊去印啦！但有乜慘得過用盡個10蚊都唔夠用呢？好彩最尾嗰上堂嘅人並唔多，啱啱好夠晒個日有嗰上堂嘅人攞。其實小編有一大部分印嘢都係作present用，講到尾，學校係咪應該將我地嘅printing quota加多啲呢？當係因為要滿足到professor要求而要印嘢都好。

#Printing quota

其實有時用下唔同嘅角度去觀察嶺南嘅話都會發掘到好多新奇有趣嘅事，你都會發覺有好多嘢我地平時冇留意到嘅，但實際上係一直存在係呢到。

唔知大家有冇試過諗住落士多買嘢食個陣先發現自己銀包冇晒錢，呢個時候當然就會去問roommate借啦！有時又未必好意思開到聲嘅時候，都會諗住自己出去搵錢，可惜成間學校入面唯一一部櫃員機係東亞銀行。小編作為一個懶人又唔想申請個東亞account，但咁就要下下出到去富泰又係唯一一部嘅HSBC櫃員機慢慢排隊。可能大家都覺得：你申請個account咪可以去攞錢囉。講真東亞分行又唔算多，唔通真係為咗呢四年係嶺南嘅生活就申請個account咩。其實除咗搵錢麻煩之外，交錢都好麻煩，小編仲記得嗰陣要交hall留位費，銀行條隊長到好似自己係主題樂園排緊隊玩機動遊戲咁。對於一間有三千幾人嘅大學，得一間銀行真係足夠咩？

P.S.：最好就有一間恒生喺 campus入面就最好

#銀行